



Republika e Kosovës – Republika Kosova
Paneli Zgjedhor për Ankesa dhe Parashtresa
Izborni Panel za Žalbe i Predstavke



Anr.457/2021

Paneli Zgjedhor për Ankesa dhe Parashtresa (PZAP), në panelin e përbërë nga gjyqtarët: Ferki Xhaferi kryesues, Adnan Konushevcu dhe Faton Ademi anëtarë, me pjesëmarrjen e zyrtares së lartë ligjore Antigona Murati, duke vendosur përkitazi me ankesën e Lëvizjes Vetëvendosje, të paraqitur kundër subjektit politik Lista Serbe, me seli në Mitrovicën e Veriut, dega Shtërpçë për shkak të presionit ndaj votuesve, për Zgjedhjet e Parakohshme për Kuvendin e Republikës së Kosovës të datës 14.02.2021, në seancën e panelit të mbajtur me datë 15.02.2021, mori këtë:

V E N D I M

Refuzohet e pabazuar ankesa Anr.457/2021, të datës 14.02.2021, nga subjekti politik, Lëvizja Vetëvendosje, me seli në Prishtinë, e paraqitur kundër subjektit politik Lista Serbe, me seli në Mitrovicën e Veriut, dega Shtërpçë, për shkak të presionit ndaj votuesve, në ditën e votimit, për Zgjedhjet e Parakohshme për Kuvendin e Republikës së Kosovës, në seancën e panelit të mbajtur me datë 15.02.2021.

A r s y e t i m

Me datën 14.02.2021, PZAP-i ka pranuar ankesën nga Lëvizja Vetëvendosje, me të cilën pretendohet se aktivistët e Lëvizjes Vetëvendosje kanë vërejtur se portali, Indeksonline ka raportuar që komisioneri i Listës Serbe në komunën e Shtërpçës në qendrën e votimit në shkollën fillore “Staja Markovic” ka thyer rregullat zgjedhore, duke thyer parimin e paanshmërisë dhe duke ushtruar presion mbi votuesit, për t’u përcaktuar atyre se për kë të votojnë. Më tutje në ankesë pretendohet se nga lajmi gazetaresk i Indeksonline, provohet se komisioner të tjerë kanë raportuar se komisioneri i Listës Serbe, duke shkelur rregullat dhe përgjegjësitë e komisionerit nuk ka dhënë informata të paanshme për subjektet politike, duke ushtruar presion ndaj votuesve dhe kjo mund të dëshmohet me lajmin dhe videon e bashkangjitur në portal.

Sipas pretenduesit të ankesës në këtë rast komisioneri i Listës Serbe, ka kodin e sjelljes për anëtarë të KKZ-ve të sanksionuar me nenin 68 par.1 pika c) të LZP-së dhe pikën b) të Shtojcës IV të Kodit të Sjelljes së Anëtarëve të KKZ të Rregullës Zgjedhore 18/2016 të KQZ-së

Parashtruesi i ankesës lidhur me pretendimet e tij ka shënuar linkun e indksonline si provë lidhur me rastin.

Në përgjigjen në ankesë të subjektit politik Lista Serbe të datës 15.02.2021 konsiderojnë se këto pretendime të ankuesit janë absolutisht të pa bazuara, sepse sipas kontrollit të tyre, në qendrën e votimit, anëtar i komisionit në tavolinën ndihmëse, informoj qytetarët ku ata mund të ushtrojnë të drejtën e tyre të votimit në vendvotimin e përmendur, siq theksoj se është detyre e personelit në fjalë të angazhuar nga KQZ-ja. Më tutje theksohet se personi në fjalë në asnjë mënyrë nuk ka sugjeruar, dhe në asnjë mënyrë tjetër nuk ndikoi në vullnetin zgjedhor dhe të drejtën të e qytetarëve. Në vazhdim të përgjigjes pretendojnë se qytetari kërkoi, që ti shpjegohej se në cilën klasë apo vendvotim mund të praktikonte të drejtën për të votuar, sepse ndryshimet në listen e zgjedhësve, dhe zvogëlimi i numrit të vendvotimeve ndryshuan vendvotimin e personave me atë mbiemër nga zgjedhjet e mëparshme. Kjo ngjarje pretendojnë se nuk ishte regjistruar në procesverbal, në vet qendrën e vendvotimit dhe se ka shume dëshmitarë të cilet e mohojn shkeljen e pretenduar. Lidhur me median Indeks Online, në përgjigjen e tyre pretendojnë, se është larguar ky informacion, siq theksojnë se ata e kuptuan se shkelja e pretenduar nuk ekzistonte. Subjekti politik Lista Serbe, propozon PZAP-in që ankesën ta refuzoj si të pabazuar.

Ankesa është e pabazuar

Nga pretendimet në ankesë lidhur me presionin ndaj votuesve të paraqitura nga IndeksOnline, paneli vlerësoi se janë të paqëndrueshme sepse nuk ka asnjë informat lidhur me këto pretendime. Në linkun e shënuar në ankesë të IndeksOnline është tentuar për gjetjen e njejtës video por e njeta është terhekur dhe nuk ka videoinqizim siç është pretenduar në ankesë se është bërë presion ndaj votuesve, por shihet vetëm një fotografi me një person duke kontrolluar lejën e identifikimit.

Ndërsa nga provat që gjenden në shkresat e lëndës parashtruesi i ankesës nuk i ka mbështetur me prova pretendimet e tij se subjekti politik Lista Serbe, ka bërë shkelje nga dispozita ligjore të nenit 34 par.1 dhe 2 të LZP-së, ashtu siç pretendohet në ankesë.

Paneli gjatë vendosjes së ankesës i ka shqyrtuar dhe hetuar me kujdes të gjitha provat dhe ka vërtetuar në mënyrë të padyshimt, se pretendimet ankimore janë të pabazuar në ligj sepse të njëjtat, nuk mbështeten me asnjë provë nga parashtruesi i ankesës, andaj ankesa e ankuesit u refuzua si e pabazuar në kuptim të nenin 118 të LZP-së.

Nisur nga arsyet e theksuara më lartë, e në kuptim të nenit 117 dhe 118 par. 1 të LZP-së, paneli, vendosi si në dispozitiv të këtij vendimi.

Paneli Zgjedhor për Ankesa dhe Parashtrësia

Anr.457/2021 më datën 15.02.2021



Këshillë juridike: Kundër këtij vendimi nuk lejohet ankesa konform nenit 118.4 të LZP-së.